

11 March 2025.18:15 Hrs

### Headlines

- मारीशस दौरे पर गेदे प्रधानमंत्री नरेंद्र मोदी हुंदा उत्थे निग्गा सुआगत कीता गेआ। मोदी होरें मारीशस दे कई बड्डे लीडरें गी श्रद्धांजलि भेंट करदे होई भारत मारीशस सरबंधें गी मजबूती देने दे उन्दे जोगदान गी चेता कीता।
- सरकारें जम्मू-कश्मीर दे 2 आतंकी संगठनें पर पाबंदी लाई दिती ऐ जिंदे च अवामी एक्शन कमेटी ते जम्मू-कश्मीर इतेहाद उल मुसलमीन शामिल न।
- मुखमंत्री उमर अब्दुल्ला होरें डेली वेजरें गी पक्का करने लेई तरीकाकार लैह करने गितै इक कमेटी खडेरने दी घोषणा कीती ऐ।
- जल शक्ति मंत्री होरें आखेआ ऐ जे तवि रिवर फ्रंट परियोजना अप्रैल महीने तोड़ी मुकम्मल होई जाग। तवि बराज ते मसनूई झील दा 85 प्रतिशत कम्म पूरा होई चुके दा ऐ।
- उपराज्यपाल मनोज सिन्हा होरें आखेआ ऐ जे पिछले 10एं बरें च भारत नै सेहत खेतर च कई उपलब्धियां हासल कीतियां न।

<><><><><><><>

### PM-Maritius Visit

द'ऊं दिनें दे मारीशस दौरे पर गेदे प्रधानमंत्री नरेंद्र मोदी होरें उत्थे रवा करदे भारतीय मूल दे लोकें आसेआ निग्गा सुआगत करने पर उन्दा आभार प्रगट कीता ते भारतीय विरसे ते संस्कृति कन्नै निग्गर जुड़ाव बनाई रखने लेई उंदी सिफत कीती ऐ। सोशल मीडिछया पोस्ट च उनें इस गल्लै गी उजागर कीता जे किस चाल्ली भारतीय संस्कृति कन्नै एह सरबंध पीढ़ी दर पीढ़ी अगड़े बधदा

आया ऐ। प्रधानमंत्री होरें अज्ज मारीशस दे साबका राष्ट्रपति सर अनिरूद्ध सर शिउसागर रामगुलाम होरें गी पैम्पले मौसेस स्थित सर शिउसागर राम गुलाम बोटानिक गार्डन च श्रद्धांजलि बी भेंट कीती। उनें भारत ते मारीशस बश्कार सरबंधें गी मजबूती देने च उन्दे योगदान गी बी चेत्ता कीता। मगरा प्रधानमंत्री होरें राष्ट्रपति धर्म गोखूल होरें गी मिले ते उ'नेंगी प्रयागराज च महाकुम्भ दौरान भरे गेदा गंगाजल भेंट कीता।

<><><><><><>

#### Govt. Terroristfit Ban

सरकारैं अज्ज 2 आतंकी संगठनें पर पाबंदी लाने दा ऐलान कीता ऐ जिंदे पर अवामी एक्शन कमेटी ते जम्मू-कश्मीर इत्तेहादुल मुसलमीन शामिल न। इनें दौनें संगठनें पर गृह मंत्रालय नै गैर कनूनी गतिविधिएं पर रोक लाने सरबन्धी कनून तैहत पाबंदी लाई ऐ। मंत्रालय आसेआ जारी अधिसूचना च आखेआ गेआ ऐ जे इंदियां गतिविधियां मुख्यै दी सुरक्षा, एकता ते अखंडता लेई खतरा न।

<><><><><><>

#### Assembly Daily Wagers

मुख्यमंत्री उमर अब्दुल्ला होरें विरोध प्रदर्शन करने आहले दिहाड़ीदार मुलाजमें दे मुद्दे गी मानवीय ढंगै कन्ने सुलझाने दी लोड़ पर जोर पाया। मुख्यमंत्री होरें इस गल्लै पर बी जोर दिता जे उंदी सरकार पुलस गी नियंत्रित नेई करदी ऐ। मुख्यमंत्री अब्दुल्ला होरें एह गल्ल उस बेल्लै आक्खी जिसलै विपक्ष नै विधानसभा च दिहाड़ीदार मुलाजमें दे खिलाफ पुलस आसेआ कल कीती गेदी कार्रवाई दा मुद्दा पुट्टेआ। आकाशवाणी दे जम्मू सांवददाता मूजब प्रश्नकाल दे परैंत विपक्षी सदस्यें कल प्रदर्शनकारी दिहाड़ीदार मलाजमें दे खिलाफ पुलस बल दे इस्तेमाल पर चिंता प्रगट

कीती। परते च मुख्यमंत्री होरें आखेआ जे दिहाड़ीदार मलाजमें कन्नै हिंसा दे बजाए करुणा आहला बर्ताव कीता जाना लोड़चदा ऐ। उनें आखेआ।

मगरा दिहाड़ीदार मलाजमें दे मुद्दे पर पत्रकारें दे सोआलें दा जवाब दिंदे होई मुख्यमंत्री होरें आखेआ जे इक्क कमेटी दा गठन कीता गेआ ऐ ते सारे कम्म गी सबूरा करने आस्तै उसी 6 महीनें दा समां दिता गेआ ऐ। उनें अगगे आखेआ।

<><><><><><>

#### Jal Shakti Tawi

जल शक्ति मंत्री जावेद अहमद राणा होरें दस्सेआ ऐ जे तवी रिवर फ्रंट परियोजना दा पैहला गेड़ अप्रैल 2025 च 143 करोड़ रुपें दी आवंटित लागत दे अंदर पूरी कीती जाग। आकाशवाणी दे जम्मू संवाददाता मूजब मंत्री होर विधानसभा च अरविंद गुप्ता हुंदे आसेआ पुट्टे गेदे इक्क सोआलें दा परता देआरदे हे। मंत्री होरें दस्सेआ जे तवी दरिया दे खब्बे कंड्हे ते सज्जे कंड्हे पर बिलतरतीब 96 फीसदी ते 94 फीसदी प्रगति हासिल कीती गई ऐ। तवी बैराज दे कम्ममें बारै दस्सदे होई मंत्री होरें आखेआ जे एह कम्म 64 करोड़ 80 लक्ख रुपे दी अनुमानित लागत दे अंदर शुरू कीते गेन ते 36 करोड़ 15 लक्ख रुपे हुनै तगर खर्च करी दिते गेन। उनें आखेआ जे तवी बैराज ते कृत्रिम झील दा 85 फीसदी कम्म पूरा होई चुके दा ऐ।

<><><><><><>

#### Budget-Response

समूलचे जम्मू-कश्मीर च लोकें सरकार आसेआ कीती गेदियें हालिया बजट घोषणाएं दा सुआगत कीता ऐ जिंदे च कमजोर तबकें दे लोकें दे जीवन स्तरै गी उबड़ा चुक्कने ते राईबाई गी बढ़ावा

देने बक्खी चेचा ध्यान दिता गेदा ऐ। मते लोकें गरीब परिवारें लेई मुफ्त बिजली, अंतोदय अन्न योजना हेठ पोंदे परिवारें लेई मुफ्त राशन ते महिलाएं गी सकारी ते ई-बसें च मुफ्त सफर करने दी सुविधा देने दा बी सुआगत कीता ऐ। तोआई, करसान चेचा करिये ओह जेहड़े राई-बाई दिएं उन्नत तकनीकें दी बरतून करै करदे न, उनेंगी राई-बाई दे क्षेत्र लेई बक्ख रक्खी गेदी रकमें पर संदोख बुज्जेआ ऐ जिंदे च म्यारी बीं, हुनर विकास ते माली मदाद दे प्रावधान रक्खे गेदे न। आकाशवाणी समाचार कन्नै गल्ल करदे होई लोकें अपने विचार इस चाल्ली प्रगट कीते।

<><><><><><>

ते हुन बाकि दिएं खबरें कन्नै कुणाल श्रीवत्स।

LG-Bihar Ing

उपराज्यपाल मनोज सिन्हा होरें अज्ज आखेआ ऐ जे पिछले 10एं बरें च प्रधानमंत्री नरेंद्र मोदी हुंदे नेतृत्व च भारत नै सेहत दिक्खभाल दे खेतर च कई उपलब्धियां हासल कीतियां न। अज्ज बिहार दे मोतीहार च श्री बीरेंद्र राय अस्पताल दा उद्घाटन करदे मौके मनोज सिन्हा होरें आखेआ जे इलाज मुआलजे ते सेहत टेकनालजी दे खेतर च भारत दिएं काहड़ें गी पूरी दुनिया च मानता हासल होआ करदी ऐ। उनें आखेआ जे भारतीय डाक्टरें दी मंग पूरी दुनिया च ऐ ते दुनिया दे कई मुखें थमां लोक घट्ट खर्चे च म्यारी इलाज लेई भारत ओंदे न। जम्मू-कश्मीर दे उपराज्यपाल होरें मुखें दे दूर-दरेडे इलाकें च माहिर सेहत कर्मिं ते बेहतर सेहत सेवाएं दी जरूरतें पर बी जोर दिता।

<><><><><><>

Reasi-Accident

इक्क दर्दनाक शिड़क हादसे च रियासी जिले दे माहोर इलाके कश गंगोट च इक्क टैम्पो गड़्डी दे शिड़कै परा फिसलिये इंगी खड्डै च डिग्गने करी 4 लोकें दी मौत होई गई ते 5 होर जख्मीं होए न। घटना दे बारे होर जानकारी दिंदे होई एसएसपी रियासी परमवीर सिंह होरें दस्सेआ।

<><><><><><>

#### Poonch-VDG

स्थानीय सुरक्षा बढ़ाने आस्तै इक्क बड़्डी गें पुट्टदे होई भारतीय सेना दी 39 राश्ट्रीय राइफल्स नै पुंछ जिले च ग्राम सुरक्षा गार्ड दे सदस्यें आस्तै उन्नत किस्में दा प्रशिक्षण शुरू कीता ऐ। एह प्रशिक्षण संवेदनशील बन्नै आहले खेतरें च स्थानीय समुदायें दी हिफाजत क्षमताएं गी बढ़ाने दे उद्देश कन्नै नमी जारी कीती गेदियां सेल्फ लोडिंग राइफलें दे संचालन ते रख-रखाव पर केंद्रित ऐ। इस पैहल दा उद्देश्य वी.डी.जी सदस्यें गी महत्वपूर्ण कौशल कन्नै सशक्त बनाना ऐ जेदे कन्नै ओह खेतर च बधदे सुरक्षा खतरें दे बिच्च अपने ग्राएं दी मते प्रभावी ढंग्गै कन्नै हिफाजत करने च समर्थ होडन। आकाशवाणी कन्नै गल्ल करदे होई वीडिजी सदस्य संजीव शर्मा होरें आखेआ।

<><><><><><>

#### Urban Cleanliness Jammu

साफ-सफाई गी यकीनी बनाने आस्तै इक्क सक्रिय गेंs पुट्टदे होई डिप्टी कमिशनर जम्मू सचिन कुमार वैश्य ते जम्मू मुससीपल कार्पोरेशन दे कमिशनर देबांश यादव होरें जम्मू यूनिवर्सिटी कोला लेइयै रेलवे स्टेशन त्रिकुटा नगर तगर जाने आहली तवी नेहर दा गाद कड़्डने ते सफाई दे कम्म दा मुआयना कीता। अपने दौरे दौरान दौने अधिकारियें कड़्डी गेदी गाद गी तौले गै निब्बड़ने दे महत्व पर जोर दिता। इस मौके पर बोलदे होई जम्मू दे डिप्टी कमिशनर होरें आखेआ।

<><><><><><>